

برنجی سنہ - نسخہ ۳۱

چهارشنبه

صحیفہ ۱۲۱

بر نسخہ سی ۱ غرو شد در .

—••••—

مرکزی ابو السعود جادہ سندہ ۱۸ نومرولو دکا ندر .
کوندربلہ جک اوراقی معلم نامنہ اورایہ کوندربلیدر .
پوستہ اجرئی ویرلماش مکاتب قبول اولغاز .

مجمع فکرائے

بر نسخہ سی ۱ غرو شد در .

—••••—

استانبول ایچون آہونہ یازماز . بوغاز ایچی داخل اولدیغی
حالدہ خارج ایچون بر سنہ لک آہونہ بدلی — پوستہ
اجرئیلہ برابر — یاریم عثمانلی لبراسیدر .

فی ۲۸ شعبان سنہ ۱۳۰۵

(معارف نظارت سنک رخصتیہ ہفتہ بردفعہ نشر اولنور)

فی ۲۷ نیشان سنہ ۱۳۰۴

بونك سهو قلم اولديغنه حكيم ايدييوروم، چونكه يوقاريدنه:
«ايله آرتق زمينه كسترده»
مصراعنه ترفيق اينديكيكز:

«هاني، منبت حرارتك زرده»
مصراعندهكي «زرده» نك - توافق تام حصولي ايجون - «زده»
صورتنده يازلمسي ترحج بيوردهجفكرده شهبه ايجيوروم. بونده
برحرف زياده يازلمش، آنده برگله.
بويله شيلر اكثريا واقع اولور. يازي يازان، يازلمشي يازلما-
مش ظن ايدمه بيلديكي كي يازلماشمده يازلمش ظن ايدمه بيلدور.
هر حالده ارتقاي كال اخص آمالدر.

— — — — —

— تقریض —

«لغات» بحرری نشأت افندی به :

«لغات» لك سزای اطرادر
نعت پاك علی بی حاویدر
نه دیسه م مدحتده احرادر
حرزجان ایندیكم فحاویدر

بر معالی جهانیدر حیدر
اوزكه هارون بی معادلدر
بوکا لازم دكل دلیل دكر
«آنت وې» كواه عادلدر

دوشونلسون نه داروق جهان
فكری اعلا ایدر علو علی
چوقی طولدیسه برتوبله جهان
لمعة اللهدر او نور جلی

بكا كوثر كبی کلیر اوندا
«یاعلی» دیسه نشوویه اب اولورم
ایلم چرخه سر فرو اما
خاك پای ابو تراب اولورم

— — — — —

— مستفیض —

«ابو منصور تعالی» نك «برد الاكباد» فی الاعداد» عنوانی
کتابندن :

— ۲۱۶ —

عم نبوی حضرت عباس فرزند فضائندی جناب عبداللهك
زرد فاروق اعظمده مظهر التفات مخصوص اولقمده بولندیغی
کورجه بیوردی كه :

«اوغلم! شو اوج خصوصی دائما نظر دفته آل : سنی بو
درجه لر قدر اعلا اتمكده اولان ذات عالینك اسرارنی تفتیشه
قالقمشه. حضورنده كیمسه بی اغتیایه جرأت اتمه. برده كندیسنه

سندن یالان صادر اوله بيله چكنی ظن ایندیره چك حالدرده بولنه.
— ۲۱۷ —

انسانلر «سابق - لاحق - ماحق» نامرله اوج قسمه
آریلیر.

سابق، فضل ذاتسبيله تقدم ایدندر. لاحق، سعی ایددر
- شرف جهتیه - بدیرینه بیتشندر. ماحق، بدیرنك شرفی ده
محو ایلندر. (احمد بن سهل المروزی)

— ۲۱۸ —

بن سابق العرم. فُرسك، رومك، حبشهك سابقلری
سُلمان، صُهب، [۱] بلالدر.

(حدیث شریف)

— ۲۱۹ —

حبسك ادیه، سرورك امنه، قرابتك مودته، عقلك
تجربه به احتیاجی واردر.
(اردشیر)

— ۲۲۰ —

گونشه قارشى طویلتان چراغ، شوره زاره یاغان یاغمور،
عین زردنده بولان حسنه، کچکین سرخوشه ویران طعم
حکمسز قالیر.
(کلبه و دمنه صاحبی)

— ۲۲۱ —

انسانلر درت درلودر : برنجیسی بیلیر، بیلدیکی ده بیلیر.
ایشته او، عللدر. آکا صورملی. اینجیسی بیلیر، فقط بیلدیکی
تیلز. ایشته اوانسیدر. آکا اخطار ایتلی. او چنجیسی تیلز، بیلدیکی ده
بیلیر. ایشته اومسترشددر. آتی ارشاد ایتلی. دردنجیسی تیلز،
بیلدیکی ده تیلز. ایشته او جاهلدر. آدن صافقی!
(کذا)

— ۲۲۲ —

«ابو الفرج البیفاء» کندیسنی پك زیاده حدتلدیرن برقومه
شویله بدعا ایتش :
«الله طوفان نوحی، حجاره لوطی، ریح عادى، صاعقه»
نمودی بولره مسلط ایتسون!

— ۲۲۳ —

عصر مزده درت کاتب وار : ابن العمید، عبدالعزیز بن
یوسف، ابو اسحاق الصابی. دردنجیسنی ده ایستسم سولیردم! [۲]
(صاحب بن عباد)

[۱] بین الاصحاب کال اتقا الله معروف بر ذات محترمدر.

«چنان برده اسلام غزوه ساق»
«که اجتناب زهبا مکر صهیب کند»

(حافظ)

[۲] عصر مزدهده بویه سوزلر سولیلنلر واردر. بزده ایستسهك
آنلری سولردك!

معلم ناجی

